



Stanghelle Rørleggerfirma As
Brynalii 101
5705 Voss

Dykkar ref.

Vår ref.

26/4883 - 2

Dato

09.07.2026

Saksnr.	Utval
89/26	Utval for klima, miljø og beredskap

Vedtak - utslepp av avløpsvatn - Gbnr 344/1- Vasstrondvegen 362


Tiltakshavar:	Arne Johny Lemme	Adresse:	Vasstondvegen 362
Søkar:	Stanghelle Rørleggerfirma	Adresse:	Brynalii 101 5705 Voss
Tiltakstype/-art:	Slamavskiljar / infiltrasjon		

Voss Herad gjev heimelshavaren løyve til utslepp av inntil 5 pe sanitært avløpsvatn frå eigedommen 344/1, med heimel i forureiningsforskrifta § 12-5.

Det er ikkje høve til å starte opp gravearbeid før det er gjeve løyve etter plan- og bygningslova.

SAKSOPPLYSNINGAR OG VURDERINGAR:

Saksopplysningar	Stanghelle Rørleggerfirma AS, v/Jan Stanghelle har sendt inn søknad om utsleppsløyve for fritidsbustad på eigedom 344/1 og ein søknad om å setje i gang tiltak for å byggje infiltrasjonsanlegg. Anlegget er sett saman av ein 4 m³ slamavskiljar, pumpe og 50 m² infiltrasjon fordelt på 2 x 25m infiltrasjonsgrøfter. Utsleppet er dimensjonert til 5 pe. Grunnundersøkingar og anleggsdimensjonar m.m. følger av søknaden om utsleppsløyve datert 16.06.2026 Voss Herad har vedteke ei lokal forskrift om gebyr for sakshandsaming, jf. forureiningslova § 52 a og § 11-4 i forureiningsforskrifta. Tiltakshavaren må betale eit gebyr på kr 8110,-
Planstatus / bygg i området:	Fritidsbustaden ligg innanfor LNF område, tiltaket gjelder eksisterande fritidsbustad som ønskjer auka standard. Tiltaket kjem ikkje i konflikt med vasstrengen, strandsona eller vassdragsnært areal.

	 Eigedommen ligg innanfor område som er lagt inn i akstomheitskartet for skred. Tiltaket må etablerast på utsida av skredområdet. 
Avstand til drikkevasskjelder/ vassdrag:	Den innsende dokumentasjonen syner at det ikkje er registrert drikkevasskjelder nærare enn 100 meter nedstraums frå infiltrasjonsarealet.
Uttale frå helseråd/ kommunelege:	Det er ikkje innhenta uttale.
Naboar:	Nabovarsel er sendt inn, og det er ikkje komme inn merknadar til det omsøkte tiltaket.
Naturmangfaldlova:	For alle saker som er aktuelle for naturmangfaldet, følgjer det av naturmangfaldlova § 7 at prinsippa i naturmangfaldlova §§ 8-12 skal leggjast til grunn som retningslinjer ved utøving av offentlig myndigheit. Det skal gå fram av avgjerda korleis desse prinsippa er vurderte og vektlagde i saka. Det er sjekka ut i Naturbasen til Miljødirektoratet og i artskartet til Artsdatabanken om tiltaket påverkar natur. Det er i området ikkje registrert prioriterte artar, truga

	eller nær truga artar på Norsk raudliste for artar 2021, utvalde naturtypar eller truga eller nær truga naturtypar på Norsk raudliste for naturtypar 2018. Det er ikkje kjende registreringar av spesielle naturverdiar i området nær det omsøkte tiltaket. Tiltaket fører ikkje til inngrep som gjer at det må hentast inn nye data eller kunnskap om biologisk mangfald. Kravet i § 8 om at saka skal baserast på eksisterande og tilgjengeleg kunnskap, er oppfylt. Med bakgrunn i at naturmangfaldet i liten grad vert påverka, og at det ikkje kan visast til negative effektar av tiltaket på verdifull natur, vert det lagt til grunn at det ikkje er naudsynt å gjere grundigare vurderingar etter dei andre miljørettslege prinsippa i naturmangfaldlova §§ 9-12. Dei miljørettslege prinsippa i naturmangfaldlova om å fatte offentlege vedtak vurderer me som oppfylte.
Andre myndigheiter:	Ikkje relevant.
Konklusjon:	Tiltaket gjeld etablering av utslepp frå eksisterande fritidsbustad. Det er vurdert at tiltaket ikkje vil føre til terrenginngrep eller endring av terrenget slik at viktige naturverdiar vert reduserte. Tiltaket kjem ikkje i konflikt med vasstrengen, strandsona eller vassdragsnært areal. Prosjekterande har på bakgrunn av utførte grunnundersøkingar konkludert med at eigedommen har forhold på staden som kan brukast til naturleg infiltrasjon. Søknaden er komplett og i samsvar med forureiningsforskrifta § 12-4. Så framt anlegget vert bygd i tråd med prosjektering og gjeldande standard finn Voss Herad det forsvarleg å gje løyve til utslepp av inntil 5 pe frå eigedomen 344/1, adresse Vasstrondvegen 362.

VEDTAK:

Voss Herad gjev følgjande løyve:

Utsleppsløyve

Vedtaket er gjeve med heimel i forureiningslova §§ 9 og 11 og forureiningsforskrifta kap. 12, jf. § 12-5.

Løyve er gjeve på desse vilkåra:

- 1) Dette utsleppsløyvet gjeld for fritidsbustad på eigedomen 344/1, adresse Vasstrondvegen 362. Løyvet gjeld for 5 pe.
- 2) Den lokale forskrifta om slamtømming og standardkrava gjevne i forureiningsforskrifta kap. 12 skal oppfyllest:
 - § 12-7 Avløpsnett
 - § 12-8 Utslipp til følsamt og normalt område
 - § 12-10 Dokumentasjon av reinsegrad
 - § 12-11 Utslippsted
 - § 12-12 Lukt
 - § 12-13 Utforming og drift av reinseanlegget
- 3) Borebrønn skal registrerast i GRANADA (NGU sin nasjonale grunnvassdatabase).
- 4) Skulle det oppstå forureining av andre sine drikkevasskjelder / resipient er anleggseigaren ansvarleg.
- 5) Det skal setjast ned peilerøyr i infiltrasjonsbassenget for å kunne peile vasstanden. Det bør vere to peilerøyr, eitt i kvar ende av infiltrasjonsbassenget. Peilerøyra skal minimum kontrollerast årleg.
- 6) Er tiltaket / delar av tiltaket plassert på annan eigedom skal det ligge ved skriftleg avtale.
- 7) Avløpsleidningane skal leggjast så skånsamt som mogleg i terrenget, og leidningstraseen skal ein så til på best mogleg måte.
- 8) Det må ikkje plantast tre eller buskar over eller nær anlegget sidan rotsystemet kan vekse inn i og tette røyrsystemet.
- 9) Slamavskiljaren skal tømmast etter den lokale forskrifta om tømming.
- 10) Anlegget skal sikrast mot frost og dekkjast over med stadlege massar, jf. prinsippskisse.
- 11) Avløpsanlegget skal dimensjonerast, byggjast og drivast etter kjende metodar eller norsk standard. Dokumentasjon skal utførast av ein nøytral fagkyndig.
 - VA/Miljø-Blad nr. 59 Lukkede infiltrasjonsanlegg
 - VA/Miljø-Blad nr. 48 Slamavskiller
- 12) Det skal utførast årleg vedlikehald på anlegget. Anleggseigar er ansvarleg for at dette vert gjort.
- 13) Det skal teiknast skriftleg avtale om drift og vedlikehald - serviceavtale før ferdigattest/mellombels bruksløyve vert gjeve. På bakgrunn av gjennomført service skal det sendast inn årsrapport til kommunen seinast 1. februar kvart år.
- 14) Skulle det koma offentleg eller privat avløpsleidning nær det innvilga anlegget, må tiltakshavaren kople seg til dette – jf. forureiningslova § 23.
- 15) Løyvet kan i alle høve kallast attende eller endrast etter 10 år, jf. forureiningslova § 18.

Informasjon om klagerett

Part eller annan med rettsleg klageinteresse kan klage på vedtaket, jf. forvaltningsloven (fvl.) §§ 2 fyrste ledd bokstav e og 28. Klagefristen er 3 veker frå vedtaket er motteke, jf. fvl. § 29. Klaga må innehalde datoen for kva tid vedtaket vart motteke, kva vedtak ein klagar på, endringar klagaren ynskjer, og kva grunnar klaga støttar seg på. Klaga må vere underteikna.

Sjølv om du har moglegheit til å klage, kan vedtaket normalt gjennomførast straks. Om du meiner vedtaket må få utsett iverksetjing inntil klagefristen er ute eller klaga er avgjort, kan du be om det, jf. fvl. § 42. Vedtak om utsett iverksetjing kan du ikkje klage på.

Klaga skal sendast skriftleg til den kommunen tiltaket er plassert i.

Du kan ikkje reise søksmål om gyldigheit eller erstatning som fylgje av vedtaket, utan at du har nytta klageretten din, og klaga er avgjort av den høgste klageinstansen som står open, jf. fvl. § 27 b. Om det har gått 6 månader frå du framsette klaga fyrste gong, og det ikkje er din feil at klageinstansen ikkje har avgjort saka, kan du likevel reise søksmål, jf. fvl. § 27 b.

Med venleg helsing

Tilla Ruud

Dokumentet er elektronisk godkjent og treng ikkje signatur

Kopi til

Anna Lisa Garmann Klare
Arne Johnny Lemme

Hjalmar Johansens Gate 4

3722

Skien

